

西莊始存稿

西莊始存稿卷九

古今詩 出山集

露筋祠

霧鬢風鬟別樣妝，靈旗肅肅捲斜陽。故鄉燈火雞

豚社也，賽叢祠。楊九娘

吾邑有楊九娘廟。九娘孝女，父命守桔槔，捍爲蚊齧，不

易其處，遂以羸卒。

高郵

茫茫甃社湖，奔流會清泚。別浦重復重，三十六陂水。舟人覺潮生，連檣發沙觜。衰楊颯殘絲，綠鴨唼疎葦。雖乏好山色，波光淨如洗。彷彿曹生圖，能事

賞老米銀刀三尺魚買得來小市對景斟瓦甌一
醉良可喜須臾初月生半魄正遇朏微雲忽盡捲
空明接渺瀰便擬老蚌胎移照入蓬底

行桃源宿遷諸縣境有感

河決今年甚連綿及數州孤城三板沒濁浪二洪
浮祇益蛟龍喜難爲桂玉謀羣公勤補救稍解
聖明憂

邳州道中

舉目疑無岸洪波接混茫到今傳竹槩自昔重茨
防插柳家家急增隄歲歲忙欣看保障切閭井免

流亡

昭陽湖

楊柳枝枝弱鷓鴣隊隊閑篙師遙指點一抹是微
山

同張雲澍過家受銘寓齋

愛爾書牕下叢筠箇箇青乾沙微聚雪馴鳥緩梳
翎躡屐忘賓主圍爐雜醉醒相期同把釣一棹語
兒亭

冬日爲秦味經侍郎題消暑圖

繚垣迤邐連苔石濃陰綠樹攢雞腔中涵一鏡不

可唾穀紋新漲流淙淙紅衣翠蓋坼菡萏明沙錦
石交薜茑炎天冰雪此瀟灑盡除簾額開虛牕玉
堂美人昔供奉揮毫金石聲琤琮寓園正鄰

朶殿側宮花苑柳遮橋樁偶然邇英散直暇一編
坐對掀眉龐冷笑塵中襜褕客紛紛榮利驚愚蠢
只今身名躋九列修綆汲古心難降手編五禮括
羣籍浩如滄溟吞河江我來樞衣問竒字邾莒執
玉朝雄邦忍饑誦經雖有志寸蓮終怯洪鐘撞何
當從公結冬課三餘短景然明缸更畫消寒作清
賞好配長夏圖成雙

題諸襄七宮贊高松對論圖

松爲明項襄毅公手植

高松偃蹇當前軒蒼皮黛色枝柯蕃勢若虎搏兼
雕蹲龍骸狂鬪鹿角奔閱世二百如朝昏空庭蕭
瑟清心魂山衣海髮連頽垣白日黯黹風雷翻樹
外仍覺天晴暄其下湛碧古井眚苔草崩剝啼蛩
蟻阮生近局時叩門拍肩把袂憩樹根松枝作塵
可對論客去習靜還忘言松花墮地松濤喧相與
和荅窮餘暉先生貌古道自尊幼好竒服紉蘭蓀
襄毅不作嘉樹存懷賢卜宅矢勿諠田南激流堪
植援六枳編籬柳作樊愛茲五鬣情彌敦自入京

國辭江村披圖清夢牽鄉園我來載酒探詞源抽
衍妙緒開愚菴他年茯苓許同殮願攜鴉觜劓蘚
痕草堂時接軟語溫坐看落月傾金盆

穆齋水部至京喜賦長歌即送之吳門

西山一角高城遮九衢蓬勃驚飛沙殘歲將除百
務集游蠹作陣蜂排衙客子畏人獨僵臥嬾逐街
鼓揚馬過朝來長鬚忽致語故人使節迴星槎倒
衣走覓一相見如鏡刮眼癢得爬羨君賦才媿羣
雅磊落載腹三十車笛牀琴薦時卻掃排演好語
紛滂葩冥搜意欲破天械振藻力可攀鯨牙謂我

吟卷頗同調相期復古刪箏琶真珠塢連香雪海
春風萬樹攢霜花邀我理策辦雙屐榭頭艇子湖
邊挈菴東菴西入蒙密銅坑銅井凌幽遐歸舟剪
燭更沉飲矮箋對擘手屢又平生此樂在夢寐一
飢驅我仍離家荆高酒徒半星散獨處無匹同妣
媯那知合并在今夕論文話舊辭嘔啞題襟準擬
圖主客留君小住亦復佳君言發春又當去萍蓬
蹤跡堪咨嗟吳閫到日冰已泮紅欄綠浪搖明霞
討春新句應更好尺緘貽我天之涯

去歲九日與琴德別於吳門入春得手書

知己北來佇望不到悵然有懷二首

憶別分明在眼前重陽風雨雁飛天寒藟薄飯挑
燈話竹几藜牀共被眠振觸聊攀橋畔柳伶俚獨
上郭門船到來人海愁無那忽忽相思又判年

聞說輕裝已戒途計程分水又丁沽春來冰雪多
如許道上興居好在無預擬三間房共賃相期九
節杖同扶壚頭滄酒須頻買待汝團圞倒百壺

同諸君飲曹鴻書舍人寓六首

招邀屢過道南街藤簾蘆簾映小齋茗芋甕邊堅
臥好懶從九陌躡風霾

宵分還見拍舳船戶小難勝斗十千最愛鄉園好
兄弟聚頭軟語綠燈前

明時健翮壯天遠藥樹吟成絕妙詞慙愧病夫空
散誕青袍似草鬢添絲

六年泱泱走江湖苦憶金臺舊酒徒回首看花法

源寺輕塵短夢兩糝糊

憫忠寺今改名法源寺中
有海棠最盛戊辰歲曾與

舍人
同游

退谷煙嵐春可遊來青軒外亂峰稠一條柳栗非
難具徑欲從君上竹兜

善病工愁骨相寒那堪留滯久長安當筵預覺離

情動欲去滄波把釣竿

即事簡吳山夫沈汲門吳裒楓諸子

松牀蒲薦兩無嫌
隱几空齋獨捲簾
酒債未緣貧後減
吟情偏向病中添
安心欲試庚申訣
結習仍排甲乙籤
有約能來同夜話
一鉤新月正窺檐

題曹鴻書課耕圖四首

細柳千條踈地低
菰蒲深處水平畦
科頭閑向樹根坐
愛看秧鉞翠毯齊

滄瀆城西竹樹多
吳淞曲折引滄波
練初相望田廬近
我欲移家問綠蓑

紫薇仙署擅風流，還向江鄉憶舊遊。
茅舍玉堂都不繫，知君心迹似虛舟。

生計惟須二頃餘，度阡越陌好相於。
披圖真羨爲農樂，生怕塵中歷鹿車。

送吳拱芎南歸四首

鞭絲帽影去淩兢，執手河橋意不勝。
誰道長安求舉客，浮蹤直似打包僧。

吟格看同楊大年，新詞妙麗壓金荃。
不登除目渾閑事，已有江湖小集傳。

小華竒峰六六餘，通明渡口好家居。
磨丹漬墨編

摩處藥錄茶經種樹書

我亦還山發興新東華懊惱軟紅塵金韋能約同

來否北郭堪偕十友論

君與金鍾越韋慎旃相訓和子亦與同調六人結社

於吳門合刻其詩名七子詩選

謝崑城編修寓憫忠寺旁憶予昔寓寺內

常過此轉盼八年矣偶成一詩奉簡

喜君儼宅靜無塵恰與招提作比鄰架上圖書聚
所好庭前竹柏得其真雪中鴻去曾留迹磨畔牛
疲又踏陳好補衲頭修屐子殘碑同訪采師倫

響盞謚

市上賣冰漿以盞相擊作聲

響盞響盞爾何爲冰漿淺屑紅玫瑰九衢侵曉市
門閉土鏗一燈紅穗細火雲徐起赤日高盞聲賣
徧喧兒曹長安熱客疲往返得此一劑清涼散飲
罷揮汗衝颼塵驅車仍踏侯家門吁嗟頃刻清涼
亦何益熱客之熱救不得

採煤歎

小車軋軋黃塵下云是西山採煤者天寒日暮採
不休面目黧黑泥沒踝南人用薪勞擔肩北人用
煤煤更難長安城中幾萬戶朱門金盤酒肉腐吁
嗟誰憐採煤苦

縫窮婦人怨

縫窮婦人走路旁提攜黃口來殊鄉爲客補綴十
指忙得錢不足一日糧東家女兒時世妝可憐傳
粉復熏香鍼綫不拈衣滿箱

練和雜詠六十首

并序

嘉定之爲縣本宋崑山東境練和市寧宗嘉定
間析置縣即以紀年名之予家先世居崑山先
大父卓人先生移居嘉定甲戌春日京邸無事
偶懷故鄉景物攬撫舊聞作絕句六十章其中
援引多邑志所未載後之采風者或有取焉

三江煙水接溟濛最好東吳更向東荷葉菱絲秋

瑟瑟放船恰趁鯉魚風

王新城送侯大年歸嘉定詩送客三江去東吳更向

東潮添瓜蔓水
秋老鯉魚風

縱無山水類窮鄉亦有煙波竹樹光記取金風亭

長句四先生里讀書莊

明邑令萬任城上遠眺詩無山無水類窮鄉竹樹參

差覆女牆朱錫卷題侯大年鳳阿山房詩四先生里讀書莊聲也經營興不忘金風亭長錫卷自號

法華古寺塔鈴催瑞竹軒窻面面開陌上女郎連

袂出即山亭子探春來

法華寺宋開禧間建瑞竹軒元大德間建在集仙宮

內城隍廟後園邑中
最勝處中有即山亭

紺宇岩巖一水湄畫長幡影石壇移使君入夢耽

松菊早辦兵來夜遁時

常楙臨邛人宋淳祐進士知嘉定事有集仙宮偶憩

詩云松菊年來入夢頻公餘乘興此尋真後爲參知政事元兵至臨安遁去雖在嘉定有惠政不足道也

白頭林叟淚潛然雨雨風風送客船一枕豆花蟲

響處可憐也是宋山川

林景熙練川道中次胡汲古韻詩一枕江湖夢五更

風雨舟水寒荷葉老蠱響豆花秋景熙宋之遺老常與唐珣收高孝陵骨葬於蘭亭

東吳粳稻轉雲帆劇賊居然萬戶銜今日荒江存

敗舫任他漁父捉螺螄

宋季海盜朱清張瑄備知海道曲折伯顏平宋二人

逐言海運可通造平底船六十艘運糧四萬六千餘石由海道入京立都漕運萬戶府二人掌之瑄

嘉定七都人也

荒城僻陋海東頭曾屬張王割據州回首可憐黃
菜葉西風事業一齊休張士誠據平江路崑山嘉

定崇明州人相繼降

野奴涇水沒苔磯清鏡迴塘映夕暉猶有老人學

農隱稻花香裏掩柴扉野奴涇清鏡塘水名高啓

人朱樵作元陳達觀練川夜泊詩黃蘆葉響雙谿雨白稻花香兩岸田

鴨綠粼粼漾細煙鷓鴣鷓鴣滿平川雪篷釣侶浮

家去好把圖書載一船宋王斗祥練川歌吳松江

此夜來雨漲三尺深鷓鴣鷓鴣爭浮沉雪篷元流寓張天永自號張率爲作雪篷子歌有雞犬圖書

共一船句

强家池館浦家堂水檻風亭一半荒寂寞尋秋何

處好漫憐黃菊有寒香

嘉樹堂强珺故宅楊維禎記野芳堂浦氏別業貫雲

石記宋邑人孫載重九詩未有金貂來換酒可憐黃菊爲誰香

酸齋松雪筆踪妍虞揭柯牟也並鐫誰向叢祠訪

金石中吳更續舊聞傳

大德寺貫雲石記圓通寺趙孟頫記萬安寺虞集記

三教堂揭溪斯記三皇廟柯九思記明倫堂半巘記中吳紀聞邑人龔明之撰

汀花岸草拂漁蓑處處春城盪槩過聞說石孩曾

盜酒至今橋畔醉人多

宋開禧間孩兒橋北徐公釀酒屢耗疑之一夕露坐

見小兒數輩踵而逐之至橋忽滅始悟橋欄所塚石孩爲祟鑿斷其趾怪遂息元揚維禎有詩

漚龍潭裏泊輕橈一簣平岡影動搖弱柳紫橋煙

漠漠春濤登岸雨瀟瀟灑龍潭在縣學前積水數頃中峙土山婁子柔詩澄

潭如鏡碧參差一
一平岡影倒垂

落盡蓮衣柏葉丹今盡啣啣訴輕寒愛他小竹山

人筆滿幅秋容寫蓼灘明邑人王翹號小竹山人工畫草蟲見明詩綜及居

易錄

二黃香火影堂供一徑西林碧蘚重可惜古松空

翠畔不移此地看成龍二黃先生祠祀陶菴偉恭兄弟中懸畫像西林菴二

先生自縊處西隱寺空翠亭有古松二株吳梅村詩絕頂危巢鶴奔枝破壁龍

竹作笆籬石作垣拱星橋畔有閑園半天高柳晴

飛絮一碧清溪直到門拱星橋宋嘉定十二年建橋西子所居

窮魚欲上雨初晴好向南鄰北舍行盼取新涇夜

航到數錢換得鞞鞋輕

元謝應芳嘉定道中詩黍熟湖田花鴨飛雨香秋浦

鶉魚肥新涇在城東三里民皆織草屨為業朱文盜贈顧生詩已分為農罪此生每思黃草鞞鞞輕

夜航一兩煩君寄好向南鄰北舍行

海水搖空綠浪開艤艫花鼓午潮來尋常火伴空

驚避錯認番船金甲回

元殷弼望海詩白柁紅旗三月浪紫簫花鼓午潮風

輟耕錄嘉定州大場沈氏因下番買賣致巨富一日自番中還先報家信有云番船今到何處發金

甲先回金甲者碓坊甲頭也後因逐一幹僕僕出此書首告以為玉印未到金甲先回沈厚賂官府

理得中

草屋三間近水湄整襟據案一村師兒童幾輩開

秋學正好涼生積雨時

鄉塾每以七月開館至冬則散謂之秋學元鄧文源

送俞觀光赴大場義塾師詩稻梁秋足飛鴻外燈火涼生積雨時

輕舟舴艋獨沿洄麥浪初翻蠶豆開少婦青裙蘭

葉鬢無心刺繡織麻來

大場農家婦初未讀書臨沒忽向夫索筆硯題云當

年二八到君家刺繡無心只績麻今日對君無別語免教兒女衣蘆花

西風策策碧波明菰雨蘆煙兩岸平暮汐過時漁

火暗沙邊覓得小娘煙

宋吳惟信江灣秋日詩離雜殘日水煙昏策策西風

捲白雲元王逢簡夏嘉定詩暮汐煙開甲秋原木放棉俗呼煙為小娘煙

秋河絡角月如弓茅屋疎林遠火紅叫斷鬼車驚

客夢進窠有雨出窠風

鬼車鳥名向南啼為進窠向北啼為出窠諺云出窠

風進
窠雨

柳陰濃帶夕曛林塘詰曲水沍沍移船楊九娘

祠宿葵扇輕揮豹脚蚊九娘孝女為蚊齧死

樹影煙光鏡裏涵魚苗如蟻水揉藍數聲晚唱斜

陽外何處晴波漾菊潭吳惟信江灣即事詩幾簇人家煙水外數聲漁唱夕

陽邊惟信有菊潭詩集

略約前溪雜吠厖白沙錦石照蓬牕木棉花外西

風緊時有竹雞啼一雙邑產木棉亦出竹雞

玉帳雲屯安在哉飄零大樹亦堪哀軍持掘得荒

原裏沽取村醪酌一杯金兀木渡江韓蘄王以三師邀其歸道一師駐江灣

土人往往掘得古瓶云是軍中酒器

片石蕭然臥水涯何當敲火任童兒摩挲未忍匆

匆去曾建當年五丈旗

蘄王建旗石今在江灣

小小溪橋淡晚煙彎彎竹徑俯清川提壺共賽春
前社捕蟹時撐屋後船

枯骨專車歷劫沉海桑幾度歲華侵祇今一帆秋

江路惟有蒼蒼蒲稗深

元貞間民家鑿井得龍骨楊維禎詩黃岡之土鑿

層層枯骨專車幾劫崩龔肅嘉定州道中詩客夢孤雲散漁翁一帆收人行江路晚花繞槿籬秋

捍海塘邊碧四圍蒼茫暮色散煙霏登樓試瞰吳

淞月萬頃沙明一鷺飛

晉咸和間吳國內史虞潭築捍海塘元倪瓚送張德

西莊始存稿

卷九

七

常同知嘉定詩城樓近瞰吳淞月
暎館微霑滄海雲見清閨閣集

去去沙岡又外岡
槿花籬落自斜陽
樹頭幾點疎

疎雨便惹秋風作意涼

沙岡外岡俱在城西宋游君傳沙岡待潮詩數點弄

秋疎雨過槿花籬落帶斜陽

繡鴨衝波飛復還
夕陽溝水響潺潺
棹聲煙裏唱

歌去行盡黃姑十八灣

黃姑塘有十八灣

瑤牕蕙帳掩蒼苔
翠羽明珠徐步迴
說與鄉園小

兒女年年乞巧廟中來

織女廟在黃姑塘

楊公墓前鳴腳黃
鹽鐵港上西風涼
滿江柔櫓一

時發晚飯柁樓菰米香

宋而淮安撫使忠惠侯楊滋墓在外岡西上有古銀

杏一株鹽鐵塘相傳
漢吳王濞運鹽鐵處

婁江風急晝溟溟一片蘆碕接葦汀笠澤沙湖千
尺浪飛濤直下海門青

安亭村逕傍清渠顧浦空塘竹樹疎獵獵朔風寒

水上無人知是震川居安亭在城西南二十四里
顧浦在安亭南有歸震川

故居震川別安亭諸友詩
悠悠寒水上獵獵朔風吹

春申古渡夕陽多低蓋烏篷曬綠蓑笑指妻兒閑

結網自吹長笛送滄波黃渡相傳春申君渡處明
袁凱重過黃渡有感詩馬

家宅畔無喬木徐氏門前芳草多留得白頭漁父
在年年長笛送滄波馬徐二姓蓋是時巨族也

吳淞江頭白鶴村侍郎橋畔昇仙墩仙翁已去無

陸莊姓存稿

卷九

三

人問斷壟荒畦月一痕

白鶴村唐王可交遇仙處
旁有昇仙墩張昉詩昇仙

墩對侍
郎橋

青龍江上柳千絲曲曲樵風引棹遲卻憶天台黃

月屋蒼松翠竹此題詩

元黃庚青龍江館舍詩幽
棲俗事不相關家在青松

翠竹間庚天台
人有月屋漫稿

震澤西連寶帶橋吳淞東去碧迢迢津亭日暮風

和雨半是江聲半海潮

江上閑來理釣綸柳塘荷港水鱗鱗夜深潑刺跳

魚響衝破一方青白蘋

元貢師泰吳淞漫興詩披
衣獨坐過夜半船尾跳魚

時一鳴見
玩齋集

滄瀆遺墟滿綠蕪東吳內史漫捐軀不知陵谷銷

沉後還有沙中折戟無袁山松為吳郡太守孫恩

備恩恩冠滄瀆害山松事見晉書袁瓌孫

恩二傳今滄瀆在城南四十里臨吳淞江

黃屋東門事可悲獨留遺廟颺靈旗村巫教就神

絃曲猶唱媯雖舊日詞紀信廟在吳淞江上王彛

自號媯子高啓為作媯子歌

望仙橋畔盡漁家豆架瓜棚傍水斜幾隻小船楊

柳岸腥風一剪漉魚蝦望仙橋在城西十八里

古檜蒼松倚夕陽花宮突兀自蕭梁憑留拳石經

幢在嵌向雲深舊曲房南翔寺天監間建元蘇大年詩行人欲問前朝寺古

西莊始存稿

卷九

南

檜蒼松滿夕陽見翟校練音宋僧居簡詩風裊經
撞石蓮開品觀花見北礪集元顧瑛詩此生自是

逃禪者著我雲深第
一房見玉山璞稿

檀園遺址剥苔斑疎柳歸鴉一抹山還似當時寒

食路紅輕絳淺畫圖間

檀園李長蘅別業錢牧翁題長蘅畫詩橘花寒食橫

塘路絳淺紅輕蕩
漿遲見有學集

一村吉貝一村秧十里沙灘十里岡指點城闔看

漸近松扉兩扇認留光

留光寺舊名顯慶在南門外元僧善住詩檝棹逢精

舍松扉
畫不局

小婁塘接大婁塘獨遠衣輕上野航綠樹連村花

兩岸船頭已入水雲鄉

程孟陽有晚發小婁塘婁塘夜泛詩婁子柔詩種魚

塘上連村樹低
水橋邊兩岸花

新春愛嚼米花甘聽開元宵與倍酣高點綵燈干

百盞年年此夕照田蠶

正月十四日以糯米投焦釜瀑成花曰米花十五日

夜擊鑼鼓曰開元宵以
高炬照田中曰照田蠶

麥蠶簇簇滿筐盛麥飯攜來餉耦耕齊戴薺花新

樣好春光遮莫近清明

取未熟麥生食曰麥蠶三月三日男女皆戴薺花

啞唳金魚泛綠漪盆花深院影離披玉人雲鬢堆

鴉處斜插朱松齡一枝

邑產金魚盆樹可供清玩明邑人朱松齡以竹刻筆

筒香筒酒杯簪釵等物今女子首飾有名朱松齡者

塗妝縮髻鬪風姿串客新來拜教師麤細十番聽

更好便應狂殺冶遊兒

梨園子弟爲串客有樂器無人聲爲打十番

糖霜沁齒冷于冰消渴清泉淪細藤還待深秋鄉

味足飢盤軟嚼截毛鷹

掘枯萋根磨作粉加糖及蒲荷蒸食名玉露霜金銀

藤花可代茗飲截毛鷹甚種時至入秋食截毛則肥

促織鷓鴣各逞雄吳儂雜戲效兒童千錢攜到開

場鬪共展毬毬斗室中

秋冬間競以促織鷓鴣爲鬪

渺渺遙空雁一繩離離秋野稻交媵移舟月黑空

林外時見深村織婦燈

一九二九征雁飛三九清霜秋葉稀四九夜眠如

露宿催裁藥布製寒衣

冬至後每九日爲一九以九九識寒暄之節諺有云

一九二九行人不出手三九二十七樹頭吹
盛葉四九三十六夜眠如露宿邑出藥斑布

築得新塲似削平
開拋碌碡閉柴荆
地爐榾柮騰騰煖
好聽連村打稻聲

糟牀一夜滴新筍
注向瓷罌爛醉休
村酒休嫌十月

月白衝寒勝似鷓鴣裘

十月白酒名

膠牙一櫟雜錫飴
守歲團圓聽雞曉
燒罷粃盆添

旺相家家春帖換
新題

明邑人王槐祀竈詞陞邊
爛煮黃羊鮮一櫟膠牙膩

更圓見斷苓餘稿除夕然火
爐于門外曰粃盆亦名旺相

江村煙景足盤桓
兩岸無山野色寬
相約比鄰老兄弟
風闌雪艇下漁竿

西莊始存稿卷九

西莊始存稿卷十

古今詩 簪花集

及第紀

恩六首

金碧觚稜曉色明
千官劔佩會蓬瀛
螭螭縹緲爐煙細
鳳管參差法曲鳴
仰首乍瞻紅日近
出班還傍玉階行
殿頭靜聽鴻臚唱
記取雷轟第二聲

三百青袍散玉鑿
傳呼徐下紫宸端
頒來錦段初開筍
簪得官花試整冠
鹵簿兩行排翠仗
笙歌十部擁金鞍
誰家楊柳高樓外
爭捲珠簾夾道看

京尹趨陪禮數虔迎來大府特開筵三漿親爲傳
杯竿九奏仍聽沸管絃上苑沙平齊簇騎天街花
滿穩垂鞭自嗟騎省蹉跎甚慘綠衣郎豈少年

潘何爭說鳳麟洲淡墨書名在上頭雁塔纔懸金
殿榜曲江更放月燈毬御厨絡繹珍頻送法酒更

番醉未休肯把紅箋傳北里但欣剪燭話同遊

子與

錢曉徵同寓椿樹街家琴德寓亦相近二
君與子俱捷是夕三人會宿談至夜分始罷

偶攜書卷蹋都門襍被蕭條夢未溫不識公卿親

謁

帝久安漁釣忽承

恩傳家清白由來重報 國文章詎易論自顧散
材霑 異數敢將微尚戀正樊

江湖席帽記飄零駢驂春衫草色青此日

聖慈叨拔擢頻年客路苦伶俜艱難真愧營三釜
蹇劣寧忘守一經況有故人同少賤紙牕冷照讀

書螢

謂凌祖錫吳企晉趙升
之張策時曹來殷諸子

三日

賜宴禮部

雅集慈恩罷重教宴禮曹雲韶朱鷺合錦幕翠虬
高列席花盈帽歸鞍柳染袍風光雖入夏春色在

仙桃

五日

賜白金八十兩內紵表裏各一端

旭日瞳矐湛露晞聽傳

天語出彤闈精鏐分得朱提品文綺裁來織女機
每歎風人譏不稼最憐幽室賦無衣平生雅志輕
溫飽矢報寧忘一念微

石鼓歌

太學戟門有石鼓長廊大廈深藏絨手摩妙蹟剔
苔蘚細讀古調同雲咸岐陽一狩誇盛事遮羅雉

兔兼麀麀作歌紀績用傳後萬夫鑿石來巖巖魯
叟編詩偶不錄此豈有意相夷芟陳倉野外棄置
久剝落缺畫成攢攢其一作白幸復出瓊包席裹
封瑤函宣和之年保和殿森陰蒨鬱飄松杉十鼓
歸然珍襲好香厨冊府光芒銜自汴入燕竟無恙
守護秘怪神所監置諸兩塾始皇慶近光作賦詞
誦誦于今又閱四百載遺文尚未遭磨劓蛟龍攫
綳怒鱗凸鸞鳳軒翥長毛多滄桑久歷彌可貴遠
比刀貝逾球璫宇文以下那辦此子卿妄語空譏
讒我生金石有奇癖嗜好頗覺殊酸鹹竭來京國

睹此鼓不負萬里穿征衫試觀字體異蝌蚪乃知
內史言多僂我方欲辨壁書偽傳鈔秃筆勞秋冕

予撰尚書從朔辨
晚晉古文之謬

十五日授職紀

恩

黃紙除書下闔閭

恩深咫尺對

龍章名隨香案稱仙吏身近紅雲拱

玉皇散米已甘同櫟杜海鷗偶復入鷄行腐儒報
稱知無術惟有葵心仰太陽

西苑即事

銀虬傳箭散宮烏，紫閣丹垣一徑紆。
細柳三眠環檻合，輕雲五色傍檐殊。
紅泉幽澗調竽瑟，翠磴層巒展畫圖。
自昔鈞天空入夢，含香此日到蓬壺。

洗象行

玉河激灑浮新水，細柳微風塵不起。
隊隊黃門鼓吹行，迎來馴象天街裏。
垂鼻鱗困赤鬪披高蹄，偃蹇雲旗指烏蠻。
雙帚何超急，蹋浪緣流千丈雪。
洗罷相將百戲呈，嗚嗚時作銅鼓聲。
是物朝正奉清宴，祿支廩給頗不賤。
乘輿鹵簿駕輦過，鐘鳴鞭響

排班徧貢處多從林邑南舞時曾說含元殿竭來
京國追遺風洗象年年此日同時平聊使飾文物
非貴異物誇愚蒙君不見職貢曾傳王會圖旅獒
有戒陳良謨

二十四日瀛洲亭同諸前輩校對進

御書即事恭賦二首

鳳樓東畔五雲間碧瓦朱櫺日月閑藻荇參差大
圓鏡儵魚游泳小鼇山鳴珂許逐蓬池侶橐筆欣
聯玉筍班祇愧迂疎儒術淺西崑讐勸恐難嫻
吏人拂拭翠函開七錄華林手捧來案上丹黃勤

檢點行間帝虎費疑猜
西山清闕窺

天冊丙夜披吟仰

睿裁卻憶寒牕十年事
一燈如豆撥爐灰

題歙縣教諭金君畫像四首

詩人鍾越之父也

黃海竒峰六六排
百弓十笏敞高齋
休嫌壑甕瓊條冷
臥起看山大是佳

桐樹垂陰蕉坼房
芙蓉翠蓋滿池塘
科頭據石此宴坐
日日著書仰屋梁

從遊弟子昇輿便
好事還來乞酒錢
我亦春風思問字
他時潛口放吳船

正始餘音調獨彈趨庭才子奉清歡試看篋裏涪
州句家法分明似伐檀

題穀原五兄龍湫宴坐圖

穀原觀龍湫爲圖記宴坐我披茲圖惟有擁褐仰
面依團蒲不見飛流眼前墮此中大意自無著一
笑相看口先哆我聞閻浮提本大海漚雁山東南
突嵬礮得非夸娥偶然作狡獪割取蓬萊左股青
一朶驚湍萬仞天上落散入空潭澄碧沲應真從
西來白茅結屋青銅鎖後有禪月師豎拂拈椎洗
塵堞當知聞根已斷喧寂一不在多言自纏裹君

昔麻源送輕舸深入巖扉開豁間跣趺看盡銀虹
垂平生愛竒願終果我今久得安心訣欲汲軍持
撥芋火忘歸亭邊石頭滑竹杖芒屨計猶左搗來
暫寄人海裏日日關門北牕卧忽然夢向芙蓉峰
樹杪紅泉白石瑳魂清骨冷心地涼那管九衢六
月車炎輶龍湫不畫君自足不到龍湫我亦可

上

陵篇

并序

臣聞聖人之德無以加於孝我

皇上法

祖德成孝治爰矢追遠之誠於乾隆八年祇謁
三陵肇稱殷禮越茲十有二載春秋霜露之思靡
日不往來于

聖懷乃以甲戌仲夏再奉

皇太后幸留都修祀事禮成迴

蹕推

恩行慶率土欣躍謹案魏文帝黃初三年詔曰古
不墓祭唐韓愈豐陵行亦曰墓藏廟祭不可亂
然泰誓武王上祭于畢馬融曰畢文王墓地名
又孔子卒葬魯城北泗上魯世世相傳以歲時

奉祠孔子冢又漢成陽靈臺碑云慶都仙沒蓋
葬於茲名曰靈臺上立黃屋堯所奉祠墓祭之
禮見于載籍者班班可考如此然則謂古無此
禮者妄也司馬彪續漢書曰西都舊有上陵東
都嘗以正月上丁祀南郊北郊明堂高廟世祖
廟畢以次上陵大官上食太常樂奏食舉古今
樂錄云章帝元和有宗廟食舉六曲加重來
上陵二曲爲上陵食舉蔡邕以爲聖孝用心周
密禮繁而不可省是也臣草澤鄙儒蒙

恩拔置詞館茲當大禮重新謹撰上陵一篇凡一

百有四十韻拜手稽首以獻

惟天眷

祖起自東惟

聖法

祖承天衷於赫盛京王氣鍾長白之山擬岱嵩香
爐巉削齊崆峒十方二臺各穹窿栽栽仙掌排空
濛遙矗千朶青芙蓉納鶯江色澄沖融松花木葉
流奔滾灣環幾派來溶溶晴波疊穀磨青銅扶輿
靈秀闕鬱葱天迺東顧開時雍天妹朱果留靈蹤
貫昂呈象膺天寵義旗一奮驅霾霧自陟纜升翦

三腋牧野旣克啓岐鄴永清大定誅姦兇蠻荒要
蔡陳球共巍然珠阜存遺弓祠官原廟春秋供上
陵大禮古所崇禮惟尊祖兼敬宗

聖祖三駕展繹彤

世宗代祀矢虔躬墓藏廟祭宜並庸繁而不省傳
蔡邕我

皇繩武六合同大闡

祖德揚

宗功綏猷布政惟一中闢門明目達四聰哲謀肅
又無蔽壅懋登上理追淳龐畢育動植逮昆蟲山

出器車澤銀甕翩翩鳴羽棲梧桐解谷截竹諧律
笳容臺講禮儀雖雖農人樂業齊耕耜邊境秋靖
銷煙烽昭陽之秋薦璧琮時逾一紀將事重不疏
不數祇益恭至仁大孝徹始終爰諏吉日期門從
華芝翠蓋垂雲虹金鉦瓊釵搖玲瓏千騎萬騎般
縱縱百僚劔珮鳴琤瑤清風洗塵雨灑漉列缺爲
衛鞭靈霍柳拂霓旌仙露震花迎星罕枝惺忪長
樂問膳瞻

慈容璇闈豫順多懽悰乍出古北望喜峰逶迤塞
土緣螭螭熱河重郡環帷喙呼韓贊普屬國雄雕

裳椎結行歷蛩梯琛航費車載賓于于受吏占東
風頭鶩筵開傾馬酮醉飽蹈舞思輸忠遂因蒐狩
歌車攻箕張翼布連輪輟戈鋌四列森牙撞鳥驚
觸機獸值鋒烏號繁弱無虛控或搏雕虎追飛熊
或拉脫兔落輕鴻平原一發連五縱取狐于貉獻
于公揆文講武觀顯顯大庖詎爲矜肥充水圍更
命施罔縵造舟頃刻成方舫共釣潛鯉遮遊鯛言
收置罟掩畢量載舉望祀歆維崧貍沈度縣儀並
隆乃溯景員臻沛豐

永陵開運高龍從

西莊始存稿

卷十

九

肇祖以後四葉榮

福陵昭陵雙寶壙扶疎嘉樹蔭黃封迢迢隧道祥
光籠龍虎盤結氣和冲鬼神呵護雲蓊蓊饗堂紫
籩軒朱櫛蘭肴旣羞鬱酒釀嘉粟用薦昭肅龔柜
秬糜芑并稵種氤氳上達孚昭融登降拜俯勞
聖躬一誠所徹靡怨恫諛韶迭奏鏗笙鏞鱗筍毛
簾懸維縱空桑琴瑟雲和鐘朱絃疏越聲淝淝
列祖降鑒咸忻懌

鳳輦遂幸清寧宮殿名崇政開瞳矐雉扇縹緲爐
煙烘扶桑碧海朝暎紅大酺十日

恩波濃歡呼白叟兼黃童鳧趨雀躍魚噉喁葵傾
藿向披心胸更頒尺一調三農免役給復蠲結穗
賜貧賑乏拯疲瘵金雞下赦園扉空微瑕細垢新
磨礪錫類不匱普幘幪吳風解雨覃萬邦馨香盼
嚮已再通爰整七校迴

六龍發

駕盛夏迴初冬告成

太廟朝羣工大開明堂興辟廱泚莪菁菁棫樸芄
蔚生多士爲梁棟太和翔洽銷爭訟我

皇孝治孚圜穹上追殷商服羌戎下媿成周貽芑

澧八埏九有歸陶鎔陋彼漢主開巴邛亦異唐家
祀九峻微臣謏劣同凡聾忝荷

恩數趨丹楓簪毫供奉勉隨衆何幸盛典還躬逢
泚筆作詩罄愚蒙聊比史克傳歌頌從茲億載寶
祚洪直與天地無終窮

自淨業湖移居南城橫街

琴書摒擋寄浮蹤遷轉真如廡下春三宿桑根寧
復戀一厘蝸殼便相容開門正對西山色隔巷還
傳古寺鐘

近闕忠寺

閑卻江湖釣魚手秋風回首憶吳

淞

除夕前一日同蔣秦樹梁元穎吳荀叔陳
寶所吳沁可集謝崑城齋二首

小徑升堂共笑譁凍雲薄雪罨檐牙攬袂人似投
林鳥過眼年驚赴壑蛇準備糝盆添旺相料量椒
酒作生涯相期犯卯休歸去一任齧齧漏鼓撾

舊歲新春荏苒除

時已立春

饒除殘臘仗屠蘇從教猛

燭然雙炬恣看投驍盡百壺閑客正宜文字飲食
單不稱冷官厨

席多異味

當筵忽憶江鄉樂鰕菜忘歸

范蠡湖

上元觀燈恭和

御製韻六首

苑西煙景晚融融
錦幕華燈不受風
百歲老翁齊額手
時和

主聖又年豐

重重魚鑰盡開關
處處金鰲遠照山
元祐東京真不數
漢祠太一邈難攀

皓月初澄太液池
星橋綵仗簇金支
昇平時節舒長甚
况值良宵漏箭遲

祥光百道捧龍樓
煙火千家翠陌頭
玉燭調來長不夜
更欣

慈豫奉長秋

鈞天仙樂按雲璈絳闕瑤臺雪海濤最是侍臣歌
既醉雙擎霞琰注葡萄

六合爲家徧頌聲呼韓入侍喜還驚誰知絕域名
王子共覩端門寶樹榮

題裘孝廉梧亭聽雨圖

清陰百尺垂秋青其下因樹爲之亭簾衣晝脫空
不扃涼氣四面風寥冷野碧一鏡連林垆雁天漁
夜孤夢醒葦條亂颭菰蒲汀纖纖浙浙纔皺萍拉
拉瑟瑟旋敲櫺魚兒撇波波紋腥鳧雛相趁徐梳

翎玉壺置春賞不停嗒然據槁宜細聽琤瑤相應
笙出鉞緩絲哀玉搖瓏玲絕勝炎天雨震霆高荷
大芋喧階庭此時吟魂入杳冥隱几得句傳幽馨
沙邊還宜添小舫撐去空濛看翠屏

高粱河

一道春流引玉泉青瑤滑笏影娟娟松陵笠澤分
明見只少橫塘放鴨船

二月六日

勤政殿引

見恭紀

通籍承嘉會齋心觀

聖君名方垂齒錄業乍謝耕耘靜聽傳宣至旋聯
鵝鷺羣朱旗隨苑度蓮漏隔花聞軒圓青山繞堯
階綠草紛鑿坡行踈踏朶殿望氤氲柳乍飄金線
波看漾縠紋宮爐浮小篆閣瓦護濃雲扁記

先皇筆

扁額

仁皇帝御書

屏書古聖文

御座

後屏風一
御書周書

無逸

仁風存小物儉德自餘芬喜色

天顏動清班玉陛分

恩暉瞻北極瑞靄被南薰退食遲鳴珮歸鞍帶晚
曛年年蓬館裏散帙理香芸

上巳前一日同唐八繡集海虞相公寓園
即席次韻

蓬池會飲及芳晨綠野平泉別貯春預借流觴修
禊事恰逢歸沐寄吟身小桃映日開朱暈弱柳搖
波染翠顰明日一番風信到六街定有賣花人

婦病初起用前韻

小閣清齋禮玉晨道家裝束送青春玉堂茅舍皆
愁緒丈室天花著瘦身夜月階前慵照影東風鏡
裏不消顰何當葛鮑相攜去徑作名山采藥人

自橫街移寓虎坊橋四首

容身處處好家居又向橋西覓寄廬
休笑酸寒無長物輕裝尚載五車書

茶爐藥臼列堂坳欲葺東廂待架茅
卻似翻飛秋社燕一年一度自營巢

丁香兩樹結柔枝落盡緗桃綠葉垂
擁鼻微吟重回首此來已自負花時

老鶴相隨別舊林有時警露獨長吟
徘徊戀主庭階畔不去非無江海心

虎坊新居與同年紀吉士曉嵐宅祇隔一

垣作詩贈之

孝穆新編得少瑜飛卿酬唱有唐夫卜鄰喜占東
西屋把袂看傳主客圖隔牖茶煙分細縷過牆樹
影借紛敷晚來清夢同聽處鐘梵聲聲自給孤
寺給孤

平定準噶爾恭紀二十首 并序

臣聞邇安遠至盛烈聿彰奮武揆文大猷斯著
稽誕敷于虞代苗民誌即叙之休溥薄伐于殷
宗氏羌揚有截之績職方統乎司馬遠及要荒
和會列乎明堂並陳懔侏要以王者之無外悉
歸至誠之感神欽惟

皇上德邁黃羲恩覃覆載金樞永固本仁義爲漸
摩玉鏡交輝仰聲靈之赫濯爾畋爾宅兆民靡
不允懷來享來王方物于焉畢集迺準噶爾處
西海隅襲甌脫之餘風久稱屬國分幹難之別
部竊號裨王鼓螳臂以當車恃蟻封而作險我
皇祖聖祖仁皇帝敷奏其勇績懋犁庭我

皇考世宗憲皇帝通駿有聲恩垂解網維

先志尚資善繼而遺緒端賴克繩况值小醜之將
窮益信膚功之宜奏名王稽顙俱思革面而回
心侍子趨庭咸期去逆而效順于時欵五原塞

因之築三受降傾心者接踵來歸逃聽者延頸
遙企我

皇上睿謨獨運神算無方功以斷而乃成時以乘
而勿失用彰天討

親命元戎授韜略于臨軒總貔貅于上將營連鷺
鶴雲屯萬竈之煙隊結熊羆風靜千廬之柝矧
契苾何力久諳赤水之土風而阿耨光顏熟悉
河曲之形勢布堂堂之陣直抵臯蘭揚正正之
旗平臨碎葉銷陽關之烽燧收伊犁之版圖筐
篋爭迎壺漿夾道葵傾藿向共看脫劍投戈雀

躍鳧趨齊觀前歌後舞遂乃俘其巨慙殲厥兇
渠巴朗等面縛于前識鯨鯢之力殫達瓦齊係
纍于後知鼯鼠之技窮狼生羆羆生羆彼雖實
繁有徒入虎穴得虎子我則除惡務盡七旬方
屆已收頡利于湟中一矢未煩早繫郵支于闕
下粵稽前史亦有武功槃木化流漢基丕振高
昌路關唐業重光然或需以歲時甫能有濟又
且多其勞費僅克觀成從未有制勝

九重決策萬里料事宛同符契尅期無假著龜蓋
天地之德曰生而

聖人之師以律拯諸水火羣欽大勇之安民取彼
兇殘共服至仁之無敵從此竒肱重舌候月來
賓行看烏弋黃支占風受吏凡有血氣莫不尊
親臣志慕執殳才慙載筆敬成短什仰頌殊勲
敢比桓賚之章庶幾矇眊之誦云爾

盛德膺天眷鴻謨續

祖功車書鞮譯合聲教鎮蕃同雁磧看傳檄龍城
已挂弓

皇猷洵克廣薄海荷昭融

兩朝伸撻伐赫業有餘威苞蘖從三宥戈鋌佇再

揮神靈存石馬櫛沐溯金微此際思繩武彌瞻峻
烈魏

蠢爾潢池輩紛紛漫驛騷窮邊多赤子托命仰
天朝總爲飢溺切無辭襁負遙

皇仁原一視忍使沸塘蜩

廟略先幾決

乾符廣運周遐荒歸聚米惟幄妙持籌一鄣無勞
控三垂迴自收

宸衷開獨斷燭照定渠搜

葉護久來附休屠亦拜趨輸忱咸額手效命各歡

呼

錫讌三漿備封茅五色殊感

恩圖報稱努力作前驅

詔發三河士風雲指顧間牙璋馳瀚海鐵騎向天山
細柳威容壯臨淮號令閑

王師纔出塞早見懾羣頑

牧豎何嘗避耕農亦不移羣思霑雨露喜得睹旌
旗鴻雁招徠日瘡痍蘇息時望雲欣共慰真見萬
邦綏

東馬渡伊犁三軍氣吐霓建翎謀不測破竹勢無

稽化被河源外威行雪嶺西
神人交助順不戰息
征聲

逋寇潛踪久于今自莫逃
翕侯奸盡露任滿詐徒
勞狡兎空求窟游魚已失濤

聖朝持國法絕漠肅秋毫

勅勒纔通道丁零罷控弦
竒功三捷奏秘算七擒
連天靜榆關月風清柳塞煙
材官頻送喜行唱凱
歌旋

先業丕承重貽謀式廓增
瑤樽陳

寢殿桂俎奉

橋陵永卜黃圖鞏忻瞻紫微澄回看
珠阜路長見五雲凝

慶溢

慈寧喜璇宮色笑溫錦函新奏

御玉冊重升

尊共荷安貞吉胥蒙錫類恩堯封今益遠純嘏日
應繁

丹鳳銜書下金雞放赦初扶攜兼老稚蹈舞集簪
裾航費來重譯梯琛自拂廬幸逢醲化協渙號及
康居

曙色彤庭啓虎臣獻馘來藁街昭憲典城旦荷矜
哀魚海波長靜龍堆霧已開更教飛騎出掃穴縛
渠魁

元兇相繼獲共快遠人心赤谷昆彌躡金牙賀魯
擒陳俘儀並舉執訊衆咸欽會待鑄金石穹碑峙
碧岑

朝來馳露布恰值雨滂沱天示洗兵兆人欣布澤
多戎亭齊徹堠武庫待韜戈應誌屢豐瑞膏流隴
上禾

曲宴仙闈煖琅璈廣樂陳需雲歡乍浹異日命重

申賚比彤弓渥勲垂圭瓚新南宮有圖畫諸將拜
恩頻

文軌今無外番氓盡一家屯田歸督護置驛接流
沙戍已軍麾壯東西尉候遐寧同漢廷陋空逐李
輕車

海西歸版籍記里辨郵程特遣量黃道從教測玉
衡舍生皆樂利率土徧平成卻笑圖經狹徒傳九
域名

一怒文聲播兩階舜道昌鷓班同輯瑞

黼座肅垂裳保泰加乾惕宣猷戒怠荒萬年恢寶

祚旭日麗扶桑

討源書屋侍直恭紀

玉泉山色翠周遭裂帛湖流綠半篙望裏雲霞三
素繞行來臺殿九成高煙凝雉扇浮香縷日映龍
旗識羽旄共睹

臨軒猶盱食侍臣應念

聖躬勞

送吳尊彝前輩省親歸錫山

九陌何人念倚廬今朝立馬攬君祛

恩方濃日思歸養齒未衰時賦遂初直爲諸生論

忠孝漫同賓客樂田廬五湖回首浮雲白愧我疎庸廁石渠

溪上對雨

繩牀斐几草閣中高秋爽氣開簾櫳涼風忽翻荷
葉背密雨亂颭蘆花叢唼波沙際有鴨母刷翅石
上來鳧翁今宵冰簟清不寐卻似松江停釣篷

初秋陶然亭同戴東原褚摺升許石雲戈芥舟姚姬傳閑眺

落日低銜飛鳥還空亭縱步有躋攀人來峭蒨青
蔥裏天入崢泓蕭瑟間野水數灣疑斷路高城一

角不遮山東華塵土成何事插腳無如此地閑

錢稼軒先生見示所著詩集敬題長句

大河前橫月入懷海風碧雲空際排芙蓉初日照
淶水一奩霜鏡新磨揩先生吟格誰比似後身金
粟青蓮皆壯遊履齒徧吳越洞府深處窮梯階西
陵秦望繞翠厓耶溪剡口雲門闖仙人射的看不
足七里灘畔浮輕箬客星人去釣竿在西臺石古
松風埋偏提攜酒不借鞵綠蘿煙徑探幽佳高歌
濯足扣舷去青山獨往無人偕一朝致身霄漢上
夢躡白鳳升天街便持雲山韶濩曲重和大呂金

鐘諧鈞樞望重何歲裊綸扉歸沐開高齋兩條椽
燭照修史間出金石驅淫哇去年扈

蹕灤河涯玉鞭左右車連葦帷宮侍直賡韻捷以
笏起草手屢义歸來倒囊出磊落驪珠照眼驚吾
儕今讀斯編更快意如陳列鼎羅珍腴賤子耽詩
愧何遜幸荷沈范親模楷長安儼屋圓如蝸朝回
沽酒還典釵一燈風雨暖虛碧牛衣蝟縮然枯蘗
自嗟愁病負

聖代玉堂枉縛腰間編邇來詩思日苦窘無異秋
井號寒蛙乃知才分迴相別羨公鸞鷲鳴雖喑方

今

聖人致上理六合淳樸還羲媧要荒萬里徧寧靜
盡擒梟獍誅狼豺明春岱岳

親燔柴

鑾輿再見臨江淮作爲雅頌賴公在陋彼樂府侈
渥洼青雲千載儻許附苔岑同異寧參差

懷吳門舊遊寄鄭于谷朱孔林蔣紹初章
光重諸子

生涯向日托長鑱此際條冰愧冷銜舊隱苦教牽
旅夢新

恩未忍脫朝衫虎山鶴澗東西塢練瀆胥塘遠近
帆只待粗酬身事了團蕉相約傍楓杉

雜題文倣畫卷四首

停雲館接紅欄里况對寒山水竹幽想像明牕濡
粉筆掃眉才子最風流

窠石參差戲蝶翻長紅小白關春妍東風淡染臙
脂好那數徐熙與艾宣

海月湘雲並崛竒鼠須鹿角太離披爭如公案憑
添取竹外橫斜只一枝

竺塢支硎草樹荒硯池水冷墨痕香百年斷楮猶

堪惜乞與騷人細論量

九月下旬忽患風疾伏枕書懷二首

無端淹臥劇清漳秋盡空驚節序忙桐樹根枯原
易折菘菘心苦自多傷妻愁屢勸停吟筆客到先
須問藥方漫說半人向鑿齒依然踪跡寄疎狂
蹠躡鑿井獨嗟咨自笑維摩瘦影宜乍覺心情皆
木石從教身德兩支離博山煙爇無眠夜屈戍風
搖獨坐時盼到春回蘇息後一枝筇竹鎮相隨

西莊始存稿卷十